

ODLUKU

**O IZMJENI I DOPUNI ČLANA 2. ODLUKE
OPĆINSKOG VIJEĆA OPĆINE ILIJAŠ BR.
01/1-02-222-10/16 OD 28.01.2016. GODINE**

Član 1.

Mijenja se član 2. Odluke o izmjeni Odluke o neposrednoj pogodbi za prodaju neizgrađenog građevinskog zemljišta br. 01/1-02-222-10/16 od 28.01.2016. godine i isti glasi:

Prodaja neposrednom pogodbom neizgrađenog građevinskog zemljišta u državnom vlasništvu radi proširenja građevinske parcele vlasništvo Kovačević Emira sina Fikreta na račun parcele označene kao k.č. br. 362/27 K.O. Ilijaš Grad (novi premjer), što po starom premjeru odgovara parceli k.č. br. 1871/142 K.O. SP. Podgora, provest će se u skladu sa Odlukom o provođenju Regulatornog plana "Alića Gaj" ("Službene novine Kantona Sarajevo", br. 45/14).

Član 2.

Ostali članovi Odluke o neposrednoj pogodbi za prodaju neizgrađenog građevinskog zemljišta ostaju nepromijenjeni.

Član 3.

Ova Odluka stupa na snagu danom objavljivanja u "Službenim novinama Kantona Sarajevo".

Broj 01/1-02-854-16/16
31. marta 2016. godine
Ilijaš

Predsjedavajući
Općinskog vijeća
Damir Filipović, s. r.

Na osnovu člana 2. i 8. Zakona o principima lokalne samouprave u Federaciji Bosne i Hercegovine ("Službene novine Federacije BiH", broj 49/06, 51/09), člana 45. Zakona o premjeru i katastru zemljišta ("Službeni list SR BiH", broj 14/78, 12/87, 12/89, 26/90, "Službeni list RBiH", broj 4/93 i 13/94), člana 3. i 6. Zakona o naknadama za korišćenje podataka i vršenje usluga u oblasti premjera i katastra nekretnina ("Službeni list SRBiH", br. 35/85 i 12/87, "Službeni list RBiH", br. 4/93, 21/93 i 13/94), člana 55., 99. i 104. Statuta Općine Ilijaš - Prečišćeni tekst ("Službene novine Kantona Sarajevo" broj 20/09), člana 99. Poslovnika o radu Općinskog vijeća Ilijaš ("Službene novine Kantona Sarajevo" broj 2/10 i 18/15), Općinsko vijeće Ilijaš, na svojoj 39. sjednici održanoj dana 31.03.2016. godine, donijelo je

ODLUKU

**O NAKNADAMA ZA VRŠENJE USLUGA IZ OBLASTI
PREMJERA I KATASTRA U POSTUPKU IZLAGANJA
PODATAKA PREMJERA I KATASTARSKOG
KLASIRANJA NA JAVNI UVID ZA K.O. KAMENICA**

I

Ovom Odlukom utvrđuje se visina naknade za vršenje usluga iz oblasti premjera i katastra u postupku izlaganja podataka premjera i katastarskog klasiranja na javni uvid za K.o. Kamenica (u daljem tekstu: naknada za vršenje usluga).

II

Naknada za vršenje usluga iz tačke I ove Odluke plaća se kako slijedi:

- za izlaganje podataka premjera i katastarskog klasiranja po jednom korisniku zemljišta za posjed veličine do 10.000,00 m² - 30.00 KM;
- za izlaganje podataka premjera i katastarskog klasiranja po jednom korisniku zemljišta za posjed veličine od 10.000,00 - 20.000,00 m² - 40.00 KM;
- za izlaganje podataka premjera i katastarskog klasiranja po jednom korisniku zemljišta za posjed veličine od 20.000,00 - 30.000,00 m² - 50.00 KM;
- za izlaganje podataka premjera i katastarskog klasiranja po jednom korisniku zemljišta za posjed veličine preko 30.000,00 m² - 60.00 KM;
- za svako sljedeće mjerno mjesto - 30.00 KM.

III

Naknada za vršenje usluga uplaćuje se na račun općine Ilijaš br. 160200000710645 sa naznačenom vrstom prihoda 722516.

IV

Ova Odluka stupa na snagu danom objavljivanja u "Službenim novinama Kantona Sarajevo".

Broj 01/1-02-854-17/16
31. marta 2016. godine
Ilijaš

Predsjedavajući
Općinskog vijeća
Damir Filipović, s. r.

Na osnovu člana 1. Zakona o upotrebi znakovnog jezika u Kantonu Sarajevo ("Službene novine Kantona Sarajevo", broj 11/11), te člana 1., stav 1., alineja 2., člana 16., 19., 23. stav 1., alineja 1. i člana 55. Statuta Općine - Prečišćeni tekst ("Službene novine Kantona Sarajevo", broj 20/09), Općinsko Vijeće na 39. sjednici, održanoj 31.03.2016. godine, donijelo je

ODLUKU

**O UPOTREBI ZNAKOVNOG JEZIKA U OPĆINI ILIJAŠ
I - OPĆE ODREDBE**

Član 1.

Ovom Odlukom se bliže definišu prava ostvarena Zakonom o upotrebi znakovnog jezika u Kantonu Sarajevo ("Službene novine Kantona Sarajevo", broj 11/11) gluhih i nagluhих lica na upotrebu znakovnog jezika pred organima i institucijama Općine Ilijaš (u daljem tekstu: općina) i to:

- a) Pravo korištenja znakovnog jezika pred organima i institucijama Općine,
- b) Posebne obaveze općine prema đacima u osnovnim školama Općine,
- c) Druga pitanja vezana za prava gluhih i nagluhих osoba.

**II - PRAVO NA KORIŠTENJA ZNAKOVNOG JEZIKA
PRED ORGANIMA I INSTITUCIJAMA OPĆINE**

Član 2.

Pred organima i institucijama Općine gluho lice može ostvariti pravo na tumačenje govornog jezika u znakovni jezik i znakovnog jezika u govorni.

Prü tome se prevod sa govornog i na govorni jezik može ostvariti na službenim jezicima u Bosni i Hercegovini.

Član 3.

Gluho lice ima pravo upotrebljavati znakovni jezik u postupcima pred organima i institucijama općine.

Pravo iz stava 1. ovog člana ostvaruje se osiguravanjem prava na tumača znakovnog jezika (u daljem tekstu: tumač).

Član 4.

Pravo na tumača može ostavriti gluho lice koje ima iskaznicu za gluha lica izdata od nadležnog organa u Bosni i Hercegovini.

U skladu sa Zakonom o upotrebi znakovnog jezika u Kantonu Sarajevo, ovlaštení organ za izdavanje iskaznice za gluha lica jeste "Udruženje gluhih Kantona Sarajevo".

Član 5.

Na zahtjev gluhe osobe na sjednicama Općinskog vijeća, radnim tijelima Općinskog vijeća, javnim raspravama i zborovima građana u Mjesnim zajednicama, Općina je dužna osigurati tumača.

Član 6.

Ukoliko gluha osoba bude izabrana za načelnika Općine ona ima pravo na tumača tokom radnog vremena i na svim drugim aktivnostima vezanim uz obavljanje funkcije načelnika.

Član 7.

Ukoliko gluha osoba bude izabrana za općinskog vijećnika ona ima pravo na tumača tokom održavanja sjednica, radnih tijela, klubova vijećnika i svim drugim aktivnostima koje su vezane uz obavljanje funkcije općinskog vijećnika.

Član 8.

Ukoliko gluha osoba bude izabrana za predsjedavajućeg ili dopredsjedavajućeg Općinskog vijeća ona ima pravo na tumača tokom radnog vremena i na svim drugim aktivnostima koje su vezane uz obavljanje funkcije.

Član 9.

Troškove tumača iz članova ove odluke i obaveza propisanih Zakonom snosi Općina u skladu sa Odlukom o odobravanju tarifa za rad tumača znakovnog jezika ("Službeni glasnik BiH", broj 17/10) uključujući njene kasnije izmjene i dopune.

Član 10.

U skladu sa Zakonom usluge tumača u postupku pred organima i institucijama Općine planiraju se i finansiraju u budžetu Općine.

III - POSEBNE OBAVEZE OPĆINE PREMA ĐACIMA U OSNOVNIM ŠKOLAMA U OPĆINI

Član 11.

Općina Ilijaš će finansirati u iznosu od 50%, obaveze osnovnih škola u Općini Ilijaš, koje osnovne škole imaju prema Zakonu o upotrebi znakovnog jezika u Kantonu Sarajevo.

Iznos od 50% izdatka koje su osnovne škole imale će se uplaćivati na kraju školske godine, nakon što škole predoče dokaz o uplati sredstva tumačima za izvršavanje obaveza iz Zakona o upotrebi znakovnog jezika.

Član 12.

Općina će u osnovnim školama na prostoru Općine obezbijediti svjetlosnu signalizaciju početka časa i drugih obavijesti u osnovnim školama.

Član 13.

Općina će u prostorijama osnovnih škola u saradnji sa Udruženjem gluhih Kantona Sarajevo postaviti plakate sa dvoručnom abecedom.

IV - DRUGA PITANJA VEZANA ZA PRAVA GLUHIH I NAGLUHIH OSOBA

Član 14.

Općina će u prostorijama ambulanti i domu zdravlja na prostoru Općine Ilijaš u saradnji sa Udruženjem gluhih Kantona Sarajevo postaviti plakate sa dvoručnom abecedom.

Član 15.

Općina će u prostorijama mjesnih zajednica na prostoru Općine Ilijaš u saradnji sa Udruženjem gluhih Kantona Sarajevo postaviti plakate sa dvoručnom abecedom.

Član 16.

Općina će finansirati obaveze iz člana 26. Zakona o upotrebi znakovnog jezika u Kantonu Sarajevo ambulantama JU "Dom zdravlja Kantona Sarajevo" na prostoru Općine u iznosu od 50%.

Član 17.

Gluha i nagluha lica imaju pravo na tumača na vjenčanjima kojima prisustvuju matičar iz Općine Ilijaš.

Član 18.

Općina će finansirati pohađanje kursa znakovnog jezika za zaposlenike koje će organizovati Udruženje gluhih Kantona Sarajevo.

Radi obezbjeđivanja što bolje komunikacije sa gluhim licima, u roku od 120 dana od stupanja na snagu ove Odluke općina će imati 3 uposlenika koji su pohađali kurs znakovnog jezika.

Broj uposlenika u općini koji su pohađali kurs znakovnog jezika ne smije biti u jednom trenutku biti manji od 3 uposlenika.

Evidenciju o uposlenicima koji su prošli kurs znakovnog jezika vodi služba za socijalnu i zdravstvenu zaštitu, izbjegla i raseljena lica.

Član 19.

Radi obezbjeđivanja prava na tumača Općina može zaključiti Ugovor o pružanju stalnih usluga sa tumačem, koji može biti angažovan odmah po potrebi ili najdalje u toku radnog vremena za koje je iskazana potreba za tumačem, ili zaposliti tumača.

Član 20.

U slučaju da se gluhom licu ne omogući korištenje prava utvrđenim ovom Odlukom ili Zakonom, to lice ima pravo podnošenja predstavke ili pritužbe rukovodiocu organa, odnosno Kantonalnoj upravnoj inspekciji u skladu sa propisima kojim je regulisan odnos organa uprave prema građanima.

V - KAZNENE ODREDBE

Član 21.

U skladu sa Zakonom odgovorno lice u organima i institucijama Općine kaznit će se novčanom kaznom od 1.000,00 do 5.000,00 KM ukoliko gluhom licu ne osigura tumača, stručnu pomoć u skladu sa Zakonom i ovom Odlukom.

Član 22.

Općina će podnijeti prijavu protiv svakog organa ili institucije na prostoru Općine koja je dužna ovom Odlukom ili Zakonom izvršiti određena činjenja a to nije učinila u zadanim rokovima Kantonalnoj upravnoj inspekciji, Kantonalnoj prosvjetnoj inspekciji i Kantonalnoj inspekciji zdravstva.

Sva lica koja uoče kršenja Odluke i Zakona u radu organa i institucija koja se nalaze na prostoru Općine mogu dostaviti dopis komisiji za predstavke i žalbe Općinskog vijeća, koja će pokrenuti postupak u skladu sa stavom 1. ovog člana.

VI - PRELAZNE I ZAVRŠNE ODREDBE

Član 23.

Nadzor nad provođenjem ove Odluke i odgovornost za njenu implementaciju vrši Služba za boračko-invalidsku, socijalnu zaštitu i raseljena lica Općine Ilijaš.

Član 24.

Odluka stupa na snagu danom objavljivanja u "Službenim novinama Kantona Sarajevo".

Broj 01/1-02-854-19/16
31. marta 2016. godine
Ilijaš

Predsjedavajući
Općinskog vijeća Ilijaš
Damir Filipović, s. r.

Na osnovu člana 13. Zakona o principima lokalne samouprave u Federaciji Bosne i Hercegovine ("Službene novine Federacije BiH", br. 49/06 i 51/09), član 92. stav 1. Zakona o budžetima u Federaciji Bosne i Hercegovine ("Službene novine Federacije BiH", br. 102/13, 9/14, 13/14, 8/15 i 91/15), člana 36. Odluke o izvršavanju Budžeta općine Ilijaš za 2015. godinu ("Službene novine Kantona Sarajevo", br. 1/15), člana 55. tačka 6. i član 104. stav 1. Statuta Općinskog vijeća - Prečišćeni tekst ("Službene novine Kantona Sarajevo", br. 20/09) te člana 99. Poslovnika o radu Općinskog vijeća Ilijaš ("Službene novine Kantona Sarajevo", br. 2/10 i 18/15), Općinsko vijeće na svojoj 39. sjednici održanoj 31.03.2016. godine, usvaja

IZVJEŠTAJ

O IZVRŠENJU BUDŽETA OPĆINE ILIJAŠ ZA PERIOD
01.01.2015 - 31.12.2015. GODINE

I

Budžet općine Ilijaš za period 01.01.2015 - 31.12.2015. godine, je izvršen kako slijedi:

1. Ukupno ostvareni prihodi:	9.227.643,00 KM
- Porezni prihodi	4.592.866,00 KM

Shodno Zakonu o upotrebi znakovnog jezika u Kantonu Sarajevo ("Službene novine Kantona Sarajevo", br:11/11) OPĆINA ILIJAŠ, koju zastupa Općinski načelnik Akif Fazlić dipl ecc (u daljem tekstu :Općina) i UDRUŽENJE GLUHIH KANTONA SARAJEVO koje zastupa sekretar Jadranka Sidro (u daljem tekstu: Udruženje) zaključili su :

SPORAZUM O SARADNJI

Član 1.

Predmet Sporazuma o saradnji (u daljem tekstu: Sporazum) su prava i obaveze Općine i Udruženja u procesu saradnje na implementaciji Zakona i upotrebi znakovnog jezika u Kantonu Sarajevo ("Službene novine Kantona Sarajevo" br.11/11) i Odluke o upotrebi znakovnog jezika u Općini Ilijaš ("Službene Novine Kantona Sarajevo" br.14/16).

Član 2.

Potpisnici sporazuma su saglasni da imaju opravdan društveni interes da na način i kroz proceduru propisanu ovim Sporazumom definišu način implementacije Odluke o upotrebi znakovnog jezika u Općini.

Član 3.

(Obaveze udruženja)

Udruženje gluhih Kantona Sarajevo, kao ovlašteno pravno lice za utvrđivanje statusa gluhog lica, vođenje evidencije, čuvanje podataka, izdavanje iskaznica gluhih lica, kao i vođenje evidencije tumača znakovnog jezika i koordinaciju rada tumača evidentiranih u Udruženju u skladu sa Zakonom o upotrebi znakovnog jezika u Kantonu Sarajevo, obavezuje se da će sve lica registrirana kao gluhe osobe upoznati sa Odlukom o upotrebi znakovnog jezika u Općini Ilijaš i njihovim pravima za korištenje znakovnog jezika pred organima i institucijama Općine u skladu sa članom 6. Zakonom o upotrebi znakovnog jezika u Kantonu Sarajevo.

Član 4.

(Obaveze Općine)

Općina se obavezuje da će u svim postupcima i radnjama pred organima i institucijama Općine gdje je gluho lice sa predočenom iskaznicom Udruženja aktivno legitimisana stranka u postupku za svaki pojedinačni slučaj angažirati tumača sa liste tumača evidentiranih u Udruženju. Općina će sa angažiranim tumačem znakovnog jezika sklopiti ugovor i angažmanu.

Član 5.

Naknade troškova angažiranim stručnim tumačima znakovnog jezika isplaćivati će se u skladu sa Odlukom o odobravanju tarifa za rad tumača znakovnog jezika ("Službeni glasnik BiH" broj 17/10)

Član 6.

Sporazum stupa na snagu dana potpisivanja , i biti će na snazi za period od 12 (dvanaest) mjeseci. Svaka od strana,potpisnica Sporazuma ,može odustati od Sporazuma uz prethodno pismeno obrazloženje,dostavljeno drugoj stani najmanje 30 dana unaprijed.

Član 7.

Ukoliko ovom Sporazmu dođe do eventualnog spora,rješavat će se sa sporazumom strana.U nemogućnosti takvog načina rješavanja,spor će rješavati nadležan sud u Sarajevu.

Član 8.

Ovaj Sporazum stupa na snagu danom potpisivanja od strane Potpisnika i sačinjen je u 6 (šest) istovjetnih primjeraka od kojih po 3 (tri) zadržava svaka strana Sporazuma.

Predlagač

Fazlić Muvedeta,dipl pravnik



br:01/2-05-87/17

Ilijaš:17.01.2017.godine

Udruženje gluhih
Kantona Sarajevo

Sekretar Udruženja
Jadranka Sidro



Općinski načelnik

Akif fazlić dipl.ecc

